


1186

Abb. 26.
Q.





Zwo Predigt
vber der Leiche des
Kurfürsten Hertzog
JODANS zu
Sachsen.

D. Mart. Luth

Wittenberg.
M D XXXIII.

Faint, illegible text visible through the paper, likely bleed-through from the reverse side of the page.

Small handwritten marks or numbers at the top center of the page.

Faint, illegible markings or text at the bottom of the page, possibly bleed-through or a watermark.



Zwo Predigt vber der
Leiche des Kurfürsten Hertzog
JODANS zu Sachsen /
D. Martinj Lu-
thers .



Ein lieben

freunde / weil sich
der fall jzt also mit vn-
serm lieben Lands fürsten
zugetragen / vnd die gewon-
heit vnd weise mit den Seel-
messen vnd Begengnissen /
wenn man sie zur erden be-
stetiget hat / abgangen ist /

Wollen wir dennoch diesen Gottes dienst nicht
lassen nach bleiben / das wir Gottes wort predi-
gen / Darinn Gott gepreiset / vnd die leute gebe-
ssert werden / Denn wir müssen da von handeln /
vnd der zeit auch jr recht thun / Weil vnser H^{er}re
Gott abermal vnser liebes Heubt zu sich genos-
men / vnd mit gnaden gefoddert hat . Dar-
umb wollen wir den Text Sanct Paul-
lus für vns nehmen / da er also
sagt zum Thessaloniern
am Vierden Capit.

¶ ¶ ¶ Die

Wir wollen euch aber / lieben
brüder / nicht verhalten / von denen
die do schlaffen / auff das jr nicht
trawrig seid / wie die andern / die
keine hoffnung haben / Denn so
wir glauben / das Ihesus gestor-
ben vnd auferstanden ist / so wird
auch Got / die da entschlaffen sind /
durch Ihesum mit jm füren ꝛc .



So viel wollen
wir itzt für vns neh-
men / das ich mich vnd euch
nicht vberlade / Ir wisset /
das der grössst Gottes
dienst ist / die predigt / vnd
nicht allein der grössste Got-
tes dienst / sondern auch vns-
ser bestes / das wir haben können inn allen sachen /
sonderlich aber inn solchen hohen betrübten
sachen / So schreibet nu Sanct Paulus zu den
Thessaloniern / Sie sollen sich nicht betrüben
wie die andern die keine hoffnung haben / Denn
es sind ertliche Heiden gewest / die es da für hielt-
ten / es solt ein manliche tugend sein / sich gar
nicht bekümmern noch weynen / wenn einem ein
guter

Guter vnd lieber freund stürbe/ Wie auch zu vn-
fern zeiten die Rottengeister anfiengen/ vnd wol-
ten eitel stein vnd Klözer aus vns machen/ gaben
für/man müste die Creatur gar aus ziehen / vnd
sich der natur gar nichts annehmen / Gott gebe
es stürbe Vater/Mutter/Son/Tochter zc/so solt
man schlecht do hin gehen mit trocken augen /
vnd stillem hertzen / Wolten also diese Heidni-
sche tugend widder anrichten / Aber es ist im
grund ein gemachte tugend/vnd ertichte stercke/
die Gott nicht hat geschaffen / im auch gar nicht
gefellet / Ursach ist diese / Das ein solch hart
hertz/ das nicht weich wird / so ein guter freund
da hin fellet/ an zeigt/ es im noch nihe sey ernst
gewest/das er rechte lust odder lieb habe zu im ge-
habt / Godder wil ein heuchler sein/ vnd sich für
den leuten/so fest stellen/das man in lobe/vnd sa-
ge/ Ey das ist ein man/der fest halten kan.

Diese Rottengeisterische vnd ertichte Heid-
nische tugend verdammen wir/vnd sagen/es sey
nicht recht/ Denn es ist nicht allein mit exempeln
der lieben heiligen Väter / sondern auch durch
das wort Gottes/ inn der Schrift gelobt/das es
billich vnd zimlich/ Ja auch Göttlich sey/sich be-
trüben mit einem guten freunde/ der mit tod ab-
gangen ist/ Wie Paulus selbs anzeigt mit diesen
worten/das er sagt am ende dieses Capitels. Tröst
euch vnternander/Sol man sich trösten / so mus
ja trawren / Kimmernis vnd Klagen da gewest
sein. Nu sind freilich die selben/da Sanct Pau-
lus hie

2

ij

lus hie

lus hie zu schreibt / Christen leut gewesen / die
Gott gefallen haben vnd den heiligen geist ge-
habt / noch lesst im Sanct Paulus gefallen / das
sie betrübet sind / Vn sie sollen es Christlich vnd
guter massen thun. Weil dem nu also ist / War-
umb wolten wir vns nicht auch billich beküm-
mern vnd trawren / Weil vnser Heubt der liebe
Lands Fürste / da ligt / Denn das ist nicht ein fest
man / der sich so starck düncket / das ers nicht fülen
wolle / so im ein guter freund entpfellet / Son-
dern / das ist ein Christ / dem es wehe thut / Doch
so er sich helt / das der geist vber das fleisch wall-
te / Denn Gott hat den menschen nicht also ge-
schaffen / das er ein stein odder holtz solt sein / Er
hat im funff synn geben / vnd ein hertz von fleisch
gemacht / das er seine freunde lieb habe / widder
die feinde zürne / jamerig vnd trawrig sey / wenn
es seinen lieben freunden vbel gehet. Also sagt
Sanct Paulus auch zun Philippem am andern
Capitel / Es sey im im hertzen leid gewesen für sei-
nen diener Epaphroditum / Es hab sich auch
Gott vber in vnd sich erbarmet / vnd in widder
lassen frisch werden / das er nicht ein trawrigkeit
vber die ander hette. Also erbrimmet Christus
auch Johannis am elfften Capitel / da Lazarus
tod war. Diese vnd der gleichen exempel sind
vns viel gewisser vnd besser / denn solch vnnütz
geschwert / da mit man vns wil zu stein vnd holtz
machen / das wir nicht weynen noch vns betrüben
sollen vber den verstorbenen.

Dis sey

Dis sey zu einer vorrede vnd eingang dieser
predigt gesagt/ Zu wollen wir den text hören/
wie er vns tröstet/ Also sagt der liebe Paulus.

Wir wollen euch aber / lieben
brüder / nicht verhalten / von denen
die do schlaffen / auff das jr nicht
trawrig seid / wie die andern / die
keine hoffnung haben ꝛc .

Awurfft der heili
ge Paulus einen guten
zugker hinein / vnd menget die bit
terkeit / so inn solchem fall ist / mit
süssigkeit / vnd saget / Ir seid traw
rig vnd bekümmert euch vber den verstorbenen /
Es ist war / es thut wehe einen guten freund so
verlieren / Ich straffe es nicht / sondern lobe es /
denn es ist ein zeichen / das es gute hertzen sind /
die sich der verstorbenen so annehmen / Aber
macht gleich wol ein vnterschied zwischen ewrem
sterben vnd der Heiden sterben / zwischen ewer
trawrigkeit vnd der Heiden / Ihene haben nach
diesem leben keine hoffnung / jr aber wisset / das
jr nicht sterbet / sondern nur entschlaffet / Denn so
jr gleubet (folget weiter) das Ihesus gestorben
vnd auffgefaren ist / so ist das auch gewis / das
Gott die verstorbenen inn Christo mit jm faren
A ij wird /

wird/vnd Kurtz vmb nicht da lassen bleiben / da
wir meinen das sie bleiben/ sondern wird sie brin-
gen/da hin/da er ist.

Mercket aber eben dar auff das er nicht
sagt / So jr gleubet/ das Christus entschlaffen
ist/sondern machts herter mit Christus tod denn
mit vnserm/vnd sagt / So jr gleubt / das Chri-
stus gestorben ist/ Von vns aber sagt er/das wir
nicht sterben/sondern allein entschlaffen/ Zeisset
vnsern tod/nicht ein tod/ sondern ein schlaff/vnd
Christus tod heisset er ein rechten tod / Da mit
gibt er dem tod Christi solche treffliche macht /
das wir da gegen vnsern tod sollen für einen
schlaff achten / Denn das ist die rechte weise zu
trösten/das man den tod/den wir leiden/ aus den
augen reißen/als viel es immer möglich ist/ zum
aller wenigsten nach dem geist/ vnd strack's inn
den tod Christi sehe/Darumb wil Sanct Paulus
so viel mit diesen Worten sagen / Was denckt jr
viel an ewren tod/sehet hie den an / der ist recht
tod / gegen welchem alle andere todten nichts
sind/die sind nicht gestorben/sondern er ist gestor-
ben/ Darumb wolten wir vns bekümmern/solten
wir vns ja auch vmb Christus tod bekümmern /
das hat ein rechter tod geheissen/ nicht allein inn
sich selbs/das er so bitter/schmehlich/vnd gros ge-
wesen ist/sondern auch des halben/das er so krefft-
ig ist/das er alle andere todten getaufft hat/das
sie sollen nicht todten/ sondern schleffer heissen /
Denn das ist ja war/ wie man inn der Passio ste-
het /

het/das Christus so gestorben ist/als nimer mehr
Keiner so stirbt noch sterben wird.

Darumb sager Sanct Paulus / fichter euch
trawrigkeit vnd kummernis an/ewer guten freun
de halben/so jr verloren habet / so sehet hie her
auff diesen tod/vnd menger/ja decket zu mit dem
tod Christi/aller anderer menschen tod/vnd ma
cht diesen tod so gros/ das der andern tod/da ges
gen anzusehen sey/wie ein schlaff / Denn so dis
war ist/Was istis / das wir vns viel bekummern
ymb andere/odder gleich selbs sterben vnd begra
ben werden? Stirbt doch nur ein mensch / vnd
dennoch nicht der ganze mensch/sondern das ein
stück allein/der leib/Hie aber ist Gottes Son sel
bes/vnd stirbet der **I H R X** aller Creatur.
Darumb wird mein vnd dein tod/solche bitterkeit
nicht haben/die Christus tod hat/weil er vmmes
lich weit gescheiden ist/ von allen andern todren /
an sich selbs vnd der person halben.

Also wil vns Sanct Paulus herumb reissen/
vnd inn den tod Christi ziehen/das wir sehen sol
len/ Wie vmmeslich gros er sey/ Auff das/wenn
sich dein hertz bekummert vmb einen guten
freund/der mit tod abgangen ist / du sagen lern
nest. Ey bekummerst du dich denn so hoch vmb
deinen freund/der doch zu letzt ein mal hat ster
ben müssen/ Warumb bekummerst du dich nicht
auch vmb diesen tod? Warumb weynest vnd
Klagest du nicht auch vber deinen **I H R X**
Christum? Welchs tod so viel grösser vnd elens
der gemes

I H R X

der gewesen ist/ denn aller andern menschen
Wie die lieben Apostel musten thun/ die bey sei-
nem abscheiden sind gewest/ vnd auch die gedanc-
en hatten/ er würde so bleyben / Wie wir denck-
en/wenn wir vnsern sunff synnen nach vrteilen /
Bessern trost kan man nicht finden / denn das
man diesen tod also ansehe / wie er so gewaltig
vnd herrlich worden sey/ vnd alle andere tod ge-
fressen habe/das sie nicht tod / sondern nur ein
schlaff heissen/ gegen diesem/ welcher der einige
schwereste vnd greulichste tod gewesen ist. Dar-
umb folget weiter.

Denn so wir glauben/das Ihe-
sus gestorben vnd auffstanden
ist / so wird auch Gott die da ents-
schlaffen sind durch Ihesum mit
im führen.



Als wolt er sa-
gen / so seid nür guts
muts/vnd guter ding / Denn
so das war ist / so hats kein
not vmb die/die da entschlaff-
en sind/ Da ligt es nür an / das wir diesen Arti-
kel/das Christus gestorben vnd auffstanden
sey/recht fassen inn der not/wenn trawren vnd
Klagen fürhanden ist/ Wie igt auch/so vns vnser
Lands

Landes fürst/ vnser lieber herr vnd vater/ so da
hin gefallen ist/ vnter welches schutz vnd schirm/
wir bisher inn gutem frieden gessen / vnd
aus seinen henden das liebe brod gessen haben /
vnd nu hinsurt ein ander Regend vnd regiment
werden wird/ vnd niemand weis / wie es geraten
sol/ Gott weis es allein/ welcher vns vnser heubt
itz genomen/ vnd da neben nicht hat offenbart /
was er weiter mit vns machen wolle / Darumb
müngen wir inn diesem fall wol erschrecken vnd
vns bekümmern/ Wie wol mir nicht zweimelt/ das
man ir ertliche findet/ die nicht sonders sich dar
umb bekümmern/ vnd meinen / es sey leicht ge
than/ das man ein regiment fasse/ Aber endern
vnd bessern ist zweyerley/ Ein regiment endern/
wollen wir den leuten lassen / Aber das bessern
stehet allein bey Gott.

Weil diesem allem nu so ist / so ist das der
beste trost / das man mit dem heiligen Paulo hie
sage/ Lieber sihe den todten leichnam hie nicht
an/ du hast etwas höhers vnd bessers anzusehen/
Nemlich/ Ihesus Christus tod vnd aufferste
hung/ Wenn du inn diesem spiegel vnd bilde fest
bleibest inn dem IHRN Christo/ welcher tod/
vnd widderauffstanden ist/ So wirst du sehen/
wo hin du faren wirst/ vnd wo hin die faren / so
nicht inn Christo entschlaffen. Nemlich / das
Gott gedencke/ dich vnd alle andere / so getaufft
vnd inn Christo entschlaffen sind / mit sich zufü
ren/ darumb das er sie hat inn Christus tod ge
wickelt /

wickelt/ vnd inn seine auffstehung gefasset/ vnd
gedenckt sie nicht so vnter der erden zulassen/ On
das es für der vernunft vnd vnsern funff syn-
nen so gehen vnd scheinen mus / das der glaube
raum finde/ das wir Got auch vber das vertraw-
en/ das wir nicht sehen .

Also/ wie wol es schwer ist/ sol man sich da zu
gewenen/ das man auff den tod Christi lerne ses-
hen/ durch welchen vnser tod erwürget ist/ vnd ob
es wol anders scheinet für vnsern augen/ menger
doch der Heilige geist diesen sawren essig mit hos-
nig vnd zucker/ das sich vnser glaub erschwin-
ge inn Gott/ vnd lerne den todten ansehen nicht im
grave vnd sarkē / sondern inn Christo / Wenn
man in also da hin beschleusst/ so ist der todte
leichnam nicht mehr im sarkē/ ob wol das ass faul
ist vnd stinckend/ da ligt nicht an/ Da thu augen
vnd nasen/ vnd alle funff synn hinweg / vnd ge-
dencke/ Wie Sanct Paulus inn der Ersten zum
Corinthern am funffzeheden Capitel sagt/ Man
begrebt den corper inn aller vnehre/ ist war/ aber
da sihe nicht nach/ denn er wird widder auffsteh-
en inn aller herrlichkeit. Er wird begraben vnd
geseet als verweslich/ vnd wird auffstehen vnt-
erweslich/ Es wird geseet inn schwachheit / vnd
wird auffstehen inn krafft / Es wird geseet ein
natürlicher leib/ vnd wird auffstehen ein geist-
licher leib zc. Also fūret er immer vnser hertz
(weil er die augen nicht kan so fūren) von dem
das die augen sehen inn das das Gott redet/ vnd
inn

inn Christum/ das wir keinen zweifel dar an sol
len haben/ er werde vns mit Christo führen/ Wer
nur das also glauben köndte/ der hette einen gu
ten trost inn seinem eigen sterben/ vnd ander leu
te sterben.

Weil nu Sanct Paulus die todten/wie jr hö
ret/so lobet/ Sollen wir Gott vleissig für die gna
de dancken/das er vnsern lieben Fürfürsten auch
inn dem tod Christi begriffen/vnd inn seine auff
erstehung gefasset hat. Denn jr wisset/ was für
ein tod er zu Augspurg auff dem Reichstag ge
litten hat. Ich wil in nicht loben seiner hohen
tugend halben/ sondern in auch lassen einen sun
der bleiben/wie vns alle / die wir die strasse auch
gedencke zugehen/ vnd vnserm **HERREN** Gott
manche starcke sünde vberlieffern wollen / Das
wir bey dem Artikel/der da heisst/Vergebung der
sünden/auch bleiben/ Darumb wil ich vnsern lie
ben herrn nicht so gar rein machen/wie wol er ein
seer fromer freundlicher man gewesen ist/on al
les falsch/inn dem ich noch nie mein lebteig eini
gen stolz/zorn/nach neid gespüret hab / der alles
leichtiglich tragen vnd vergeben kunde / vnd
mehr denn zu viel mild gewesen ist/Diese tugend
las ich izt fallen / Ob er da neben zu weilen im
Regiment gefeilet hat/wie sol man im thun / ein
Fürst ist auch ein mensch/ vnd hat alleweg zehen
Teuffel vmb sich her/wo sonst ein mensch nur ei
nen hat/ das in Gott sonderlich mus führen / vnd
seine Engel zu im setzen/Wenn wir denn sehen/
das sie

Das sie zu zeiten im Regiment strucheln/sind wie
bald da/meinen / ey so vnd so wolt ichs machen /
Vnd solten wol den Karm recht inn den For hinein
füren odder gar vber vnd vber werffen / wenn
wir regirn solten / Das vns also niemand kan
recht thun/vnd wenn wir vns selber ansehen/sind
wir selbst noch nie recht worden / Dis alles lassen
wir tzt faren/vnd wollen da bey bleiben/das wir
in loben/wie Sanct Paulus seine Christen lobet/
das in Gott mit Christo füren wird/vnd wollen
in nicht ansehen nach seinem zeitlichem sterben /
sondern nach Christus sterben/vnd seinem geist-
lichen sterben / welches er Christo nach gethan
hat.

Dem jr wisset alle/wie er Christo nach/ vor
zweyen jaren zu Augspurg gestorben / vnd den
rechten tod gelidten hat/nicht für sich allein/ son-
dern für vns alle / Da er alle böse suppen vnd
giff müssen aus essen / die im der Teuffel einge-
schendt hat . Das selbe ist der rechte greuliche
tod/da der Teuffel einen mit auffreibt / Da hat
vns er lieber Kurfürst/Christus tod vnd aufferste-
hung für der ganzen welt öffentlich bekennet /
vnd ist dar auff blieben/hat land vnd leut/ia sein
eigen leib vnd leben dar an gesetzt . Dis sterben
wie schwer es sey/hat er wol / on zweuel / an sei-
nem hertzen gefület / Weil nu das selbig bekent-
nis öffentlich am tage ist/so wollen wir in da von
rhumen als einen Christen/ Ist aber neben die-
sem etwas mangels an seiner person gewest/ das
lassen

lassen wir gehen/Denn wir wollen solche geringe
sunde inn so grosser person nicht rechen/Sondern
wollen das da gegen rhümen/das er Christus tod
vnd aufferstehung/da mit er tod vnd hell mit al
len sunden verschlungen hat/bekennet/ vnd fest
auff diesem bekentnis blieben ist/ Dis gehet vber
hin/ vnd verschlinget die menge der sunden/wie
ein gros meer ein fündlin fewers / Darumb sind
alle andere sunden nichts gegen diesem einigen
stück/das man Christus tod vnd aufferstehung /
nicht verleugnet/sondern öffentlich bekennet .

So sollen wir vns nu des trösten/ das Chris
tus gestorben/vnd vnser lieber Fürst/ inn Chris
tus tod verfasser vnd entschlaffen ist/vnd viel ei
nen herbern tod zu Augspurg/ denn izt erlitten
hat / welchen wir noch teglich on vnterlas von
den Tyrannen vnd Rotten/ Ja auch wol von vn
serm eigen gewissen vnd dem Teuffel leiden mü
ssen / Dis ist das rechte sterben/ Das ander leib
lich sterben/das man auff dem bett da hin feret/
ist nür ein kinder sterben vnd ein vihe sterben /
Ihenes aber ist der rechte menliche tod/der noch
für vnsern augen stehet / das wir ehe noch einen
hals(so es möglich were) hingeben wolten / ehe
wir den man/ der Ihesus Christus heisst/verleug
nen wolten / Das mag ein menlicher vnd rechter
tod heissen/ Da Sanct Paulus auch von sagt/inn
der Ersten zun Corinthern am Elfften Capitel /
Bey vnserm rhum/den ich hab inn Christo Ihes
su/ich sterbe teglich . Der ander tod ist nür wenn
die ver

die vernunft vnd funff synn sterben/das die augen nicht mehr sehen / die oren hören nicht / die hende fühlen nicht zc. So stirbet ein kue auch/ Ist nur ein eusserlich absterben des leibes vnd armen sack's/es ist ein kinder sterben gegen ihenem. Dem sterben nach ist vnser lieber Fürst izt auch da hin gefaren/das man hat müssen greiffen/ es sey nür ein kinder sterben gewesen / Denn vnser **I E R X** Gott hat in so gefasset inn seinen tod/das er der rechten püß keine gelitten/ noch viel mit dem Teuffel disputirt hat / Als etliche wol für den schweren gedanken/ die in der Teuffel ein gibt / von der sünde / von dem Jüngsten gericht/von der hell vnd der gleichen / inn verzweuelung fallen/vnd erbeiten/das in der angst schweis ausbricht / vnd erstarren auch wol daruber/ Das heisst ein recht sterben / vnd nicht ein kinder sterben / Wenn es aber so zu geht / wie es mit vnserm lieben Fürsten hat gangen/ da nür der leichnam auff dem bette bleibet/on alles schrecken vnd zittern/darumb das er zum Reich Christi durch die Tauff gefoddert/vnd darnach Christum frey bekennet hat/ vnd Gottes wort mit allen vleis/von ganzem hertzen gern gehöret/Das also nür die funff synn da hin sterben / Das ist das geringst sterben/vnd nür die hülsen vom tod da man allein mit dem leiblichen tod ringet/ Wie wol es vns vnuersüchte leute das grössste düncket.

Darumb welchen Gott so hinweg nimpt / das er nicht darff fühlen die giftige pfeyle des
Teuffels

Teuffels/der stirbet recht vnd wol / So hat Gott diesen auch hinweg genommen / Da ist nichts gewesen / wie ich gesehen habe / denn nur ein recht für der sterben / Das vnser lieber **H**err Gott hat also gedacht / der fromme Fürst hat seinen rechten tod vor zu Augspurg ausgestanden / So habe ich in inn meinen tod auch gefasset / darumb sol er für an nicht mehr sterben / denn nur leblich / Das er also gleich als in einem schlaff da hin gefahren ist / wie die Kinder vnd vnuernünfftigen thier auch sterben / On das die thier keine hoffnung haben eines andern lebens / Darumb ist es ein tröstlicher tod / was so sanfft / allein an seinen funff synnen hin weg stirbet / Wo es ein mensch nur recht ansihet / das einer so hin feret in vnser **H**err Christi leiden gewickelt / das vnser **H**err Gott so sager / Ich wil dich den Teuffel allein leblich lassen würgen / Darumb sihe du nicht so hart auff deinen tod / Sihe dis an / das mein Son für dich gestorben ist / vnd du vor hin auch geistlich gewürget bist / So wil ich dir nur den tod so zuschicken / das du allein sterbest in deinen funff synnen / wie in einem schlaff.

Darumb wollen wir vnsern lieben Landsfürsten vnter die rechen / die in Ihesu Christo schlaffen / Sonderlich aber darumb / das er nicht abgefallen ist von dem Bekentnis des tods vnd auferstehung Christi / sondern drob gelidetenmacherley schaden vnd schmach / Wollen in darumb nicht zu einem lebendigen heiligen machen /

B Ist etc

Ist etwo sünde mit vnter gelauffen/das gehe set
nen weg / wir wollen in einen menschen lassen
bleiben/ Wollen aber so einen schmuck druber sie
hen/das solche kleine sünde der Teuffel nicht se
hen/ vnd so grosse werck/die alle Engel im himel
preisen/sollen / Denn was wil der Teuffel auff
bringen/widder seine personalem iusticiam / weil
Christus neben vnd für in da stehet / mit seinem
tod vnd auferstehung/welches mehr ist denn der
ganzen welt sünde? Als ich hoffe wir wollen
auch also sterben / vnd einen armen sunder mit
vns gen himel bringen / wenn wir allein diesen
schmuck behalten/vnd vns inn den tod des Sons
Gottes windeln / vnd mit seiner auferstehung
vns decken vnd hüllen / Wenn wir dar auff fest
stehen/vnd nicht da von ablassen/so ist vnser ge
rechtigkeit so gros/ das alle vnser sünde/sie hei
ßen wie sie wollen/sind wie ein kleines fündlin /
vnd die gerechtigkeit/wie ein grosses meer / Vnd
vnser tod viel geringer / denn ein schlaff vnd
trawm/Dazu vnser schand/das wir so vnsterig be
graben werden / ist bedeckt mit einer ehre / Die
heißt Ihesus Christus auferstehung / da mit ist
sie so geschmückt / das sich die Sonn da für sche
men wird/wenn sie es wird ansehen/ vnd die lieb
en Engel nicht gnugsam werden ansehen Kön
nen/Mit der schöne sind wir geziret vnd geschmu
cket/das/aller ander vnstat des armen leibs / als
der tod/vnd anders/nichts da gegen gilt.

Also mus man eines Christen sterben anse
hen /

hen/mit andern augen/denn wie ein fue ein new
thor ansihet / vnd mit einer andern nasen da zu
riechen/nicht wie ein fue zum gras reucht / Das
man lerne der Schrifft nach / da von reden vnd
gedencken/das man die verstorbene Christen nis
cht rechne/als todte vnd verscharrere leute / Für
den funff synnen scheinets wol so / So weit vns
die selben führen/ so thut es wehe/ Darumb gehet
heraus vnd höret/was hie Sanct Paulus da von
saget / Das sie schlaffen inn Christo/vnd Gott
sie mit Christo führen wird / Mit solchen worten
lernet euch fein trösten/ vnd bildets euch wol ein/
Das es viel gewisser ist / das Herzog Hans von
Sachsen wird widder erfür komen aus dem loch/
vnd viel schöner denn die Sonn izt ist/ denn das
er hie für vnsern augen ligt/ Das ist nicht so ge
wis als ihenes/ das er widder leben wird vnd mit
Christo da her faren/ Ursach/ Gott kan nicht lies
gen / Allein bildets euch so ein / Denn wer den
trost nicht hat / der kan sich sonst nicht trösten
noch frölich sein / Sondern so viel im des worts
empfeller/so viel empfeller im auch des trostes /
Darumb lasset vns izt inn diesem leid da mit
trösten/das wir gewis wissen/das er mit Christo
widder wird gefaren komen / Denn hie stehen die
sprüche Christi fest / Wer mich bekennet für den
leuten / den wil ich auch widder bekennen für mei
nem Vater / Sonst wenn der man nicht gen hi
mel gefaren were/so würden wir wenig hoffnung
haben können .

B ij Da

Das man aber viel mit dem Gesetz komet
wil vnd disputiren / Lieber / wer weis / ob dich
Gott auch für from halten wil ? Das ist der leidi-
ge Teuffel selbs / der wil vns jmer führen ad pers-
sonalem iusticiam / wie from ich bin / vnd wie böß
ich bin / Denn das ist alle seine kunst / das er vns
mit dem selben bilde vnserer frömmigkeit / den
Man / der gestorben vnd widder auffestanden
ist / aus den augen reisse / Darumb ist vnserm Für-
sten recht wol geschehen / das er nicht inn die dis-
putation komet ist / Der Teuffel sol in sonst wol
angriffen haben / Hörestu / wie hast du gelebet /
Wie hast du regiret ? zc / vnd solt in ein regi-
ster für gelegt haben / da für er hart erschrocken /
vnd einen schweren kampff hette stehen müssen .
Das ist des Teuffels kunst / die er an mir auch offte
versucht / Fraget mich / wie from / vnd wie böß ich
sey / vnd kan sein meisterlich die Schrift vnd das
Gesetz da zu brauchen / Das vnd das solt du thun
Solt from sein vnd das Gesetz halten / Aber du
hast es nicht gehalten / Wo aus ? Mit den ge-
dancken bringet er einen inn ein solche angst /
das einer verzweueln wil . Item / wenn ich schon
zu weilen etwas guts gethan habe / Kan ers doch
also zurichten / das mein heiligkeit gar zu nicht
wird / Da lauff ich denn / vnd ergreiff den Arti-
kel der Vergebung der sünde durch Ihesum
Christum / der für meine sünde gestorben vnd
widder auffestanden ist / Den wil er schlecht nicht
ins hertz lassen / Das aber geher ins hertz / das
ich dis

ich dis gethan vnd ihenes nicht gethan habe /
Hab almosen geben / bin from gewesen zc. Wie
ich auch sagen kan von vnserm lieben Fürsten /
das er ein trew/ from/hertz gehabt hat / on alle
giff vnd neid/ Aber bey leib hute dich da für/das
man dir am tod bett mit nicht ein bilde / Denn
der Teuffel ist nicht weit da von/ der kan dir ein
Kleine sünde für rücken/die solche schöne tugend
alle zu nicht macht/ das man doch endlich da hin
komen vnd sagen mus / Teuffel sey so zornig du
jmer wilt/ Ich rhume meine gute werck vnd tu-
gend gar nichts/für vnserm **HE R R E** Gott/
wil auch meiner sünde halben nicht verzweueln /
Sondern tröste mich da mit / das Ihesus Chri-
stus gestorben vnd widder auferstanden ist / wie
der text hie sagt .

Sihe/wenn ich das von hertzen glaube / so
bleibt mir der höchste schatz / Nemlich / der tod
Christi vnd seine krafft/die er gewircket hat / da
liger mir mehr an / denn an dem das ich gethan
habe/Darumb Teuffel fare hin/beide mit meiner
gerechtigkeit vnd sünde/ Habe ich etwas gesundi-
get/so fris du den mist da von/ der sey dein / Ich
bekümmere mich nichts darumb / denn Ihesus
Christus ist gestorben / Da heisset mich Sanct
Paulus mit trösten / Das ich lerne mich gegen
dem Teuffel wehren vnd sagen / Ob ich schon ge-
sündiger habe/ das schadet mir nicht/ Ich wil ni-
cht mit dir da von disputiren/was ich böses odder
gutes gethan gabe/ **Es hat izt nicht zeit da von**
B ij zu han

zu handeln/ Gehe hin vnd thu es zur andern zeit/
wenn ich ein böser bube bin / Oder gehe zu den
verstockten da schrecke wie du wilt/ Aber bey mir
der ich vor inn engsten vnd todtes nöten bin/ findest
du izt keinen platz / Es gilt izt nicht disputirens
/ sondern tröstens mit den worten / Das
Ihesus Christus für mich gestorben vnd auffgestanden
ist/ So bin ich gewis / das Gott mich / sampt den
andern Christen führen wird mit Christo/ zu seiner
rechten / vnd mit mir hin durch reissen/ durch tod
vnd hell / Wie er denn mit allen umbgehen wird/
die glauben vnd bleiben inn seinem tod. Darumb
sollen sie nicht todte leute heißen/ sondern schlaffende/
vnd der tod sol hinfurt nicht mehr tod/ sondern
schlaff heißen/ vnd so ein tieffer schlaff/ da einem
nichts inne trawme/ Wie auch on zweifel vnser lieber
herr vnd Fürst inn einem süßen schlaff ligt/ vnd
der heiligen Schleffer einer worden ist/ Vnd dis
alles nicht darumb/ das er ein milder / barmherziger/
gütiger herr gewesen ist/ sondern darumb das er
Christus tod bekennet/ vnd sich dar an gehalten hat /
vnd ist da bey blieben.

Wie ist nu des Teuffels rechte kunst / wie ich
gesagt habe/ das er vns von dem trost hinweg reisset
vnd füret vns die weil inn ein disputatio/ wie
from wir sein/ Da gegen habt jr izt gehört / das
jr in solt weisen/ zu denen/ den solche gedancken
gehören/ die nach Christus leiden vnd sterben nichts
fragen/ vnd im sause da hin leben / mit den selb
ben las

ben las in disputiren / Aber da wil er nicht hin/
denn er hat sie bereit / sie sind vor hin sein / Dar
umb wolt er diese auch gern haben / die versagte /
blöde vnd erschrockene / gewissen / Ihene hat er
da mit / das sie vermessen / sicher vnd on alle Got
tes furcht da hin gehen / Diese wil er haben / durch
zagen vnd verzweueln / Du aber lerne sagen /
Teuffel du komst zu vnrechter zeit / Es soltzt kein
Teuffel mit mir disputiren / sondern mein **HER**
RE Ihesus Christus / das ich lerne / wie er für
mich gelidten / vnd für meine sunde gestorben
sey / vnd widder auffgestanden / wie mich Gott
mit im führen wird am Jüngsten tage / Des zu
einem warzeichen habe ich seine liebe Tauff / sein
Euangelium / sein wort vnd Sacrament / dazu
ich beruffen bin / vnd die selben für der ganz
en welt bekennet habe / Die siegel vnd briene kön
nen mir nicht feilen / als wenig mir Gott selbes
feilen kan . Sollen da neben ertliche sunde ein /
das du vnrecht gelebt vnd gethan hast / so sollen
sie doch nicht gelten / auff das Christus tod vnd
aufferstehung gepreiset werde / ober mein vnd der
ganzten wellt tunde / Vnd sage frey / Wenn ich
noch so viel sunde gethan hette / ja mehr denn ze
hen wellt ihun können / so weis ich doch / das Chris
tus tod vnd aufferstehung viel grösser ist / Vnd
mir flugs also getrozt vnd gepocht / nicht auff
dich selbs / noch deine gerechtigkeit / sondern
dar auff / das Ihesus Christus für dich gestor
ben vnd auffgestanden ist / Glaubestu das /
B üß so sey

so sey freidig vnd gewis/ das er dich wird führen
mit Christo/vnd wie du hörest/das Christus auff
erstanden sey/so wirst du auch auferstehen .

Sehet/lieben freunde/das ist dieser text/das
wir vns bekümmern sollen vmb vnsern lieben
herren/nach dem eusserlichen menschen / Denn
wer weis/warumb in vnser lieber **HERR** Gott
hinweg hat genommen/ Ir wisset/ wie wir alle bö
se vnd anckbare buben sind/vnd das volck / beide
jung vnd alt/ so gar mutwillig ist/ das kein zucht
noch schew mehr da ist/Wenn nu vnser **HERR**
Gott so sich erzeiget/vnd das Heubt hinweg
nimpt/vnd wil eines Fürsten nicht schonen/so gi
bet er dir warlich zumerstehen / das es deinem
kopff gelte / Darumb demütige dich vnd besser
dein leben/das du auch/ wie er/ vnter den leuten
stehest/die mit Christo leiden vnd sterben / wie ich
denn hoff, das jr viel sind/ die so sterben vnd lei
den/wie mein herr zu Augsburg / Die werden
denn auch so ein sanffts sterben erlangen/ das sie
der schlaff seuberlich vnd leicht anksimpt / Das
wird das ende sein aller der / die an dem tod
vnd auferstehung Christi glauben/vnd
das selbe bekennen/das sie endlich
mit jm widder auferstehen /
vnd mit Christo gefüret
werden. Das ver

leihe vns

Gott /

A M E N.

Solger

Folget die Ander Predigt.

Weil wir noch
inn der trauer
wochen sind/ vnd ange-
fangen haben vns zu
trösten mit Gotes wort
aus Sanct Paulus Epi-
stel/ so wollen wir tzt zu
mehrerm trost etwas
weiter da von reden/

vnd den fürgenommen text vollend aus führen.

Im Ersten stück dieser Epistel Sanct Pauli haben wir gehört/ wie er die Christen vermanet vnd tröstet/ das sie sich nicht sollen all zu scheuslich stellen/ mit heulen vnd klagen vber die verstorbenen/ Sondern einen vnterscheid machen/ vnter denen die nichts zu hoffen haben/ das ist/ Heiden vnd vngleubigen/ vnd vnter vns die wir an Christum glauben/ Vnd viel andere synne/ hertz vnd gedancken schepffen/ denn ihene haben/ Denn ein Christ sol ja sein ein newe creature odder new geschaffen werck Gottes/ der anders rede gedencke vnd vrteile/ von allerley sachen/ denn die welt da von redet odder vrteilet/ Vnd weil er ein newer mensch ist/ so sol vnd mus im

B v auch alle

Auch alles new werden/hie inn diesem leben durch
den glauben / aber dort zukünfftig durch offen-
berlich wesen. Nu kan vnd vermag die welle
nicht anders/denn nach irem her komen vnd all-
rem wesen/vom tod zu vrteilen/das es sey das al-
ler greulichst vnd schrecklichste ding auff erden /
vnd das ende des lebens vnd aller freunde / wie
sie auch alle ander jamer vnd vnglück nicht an-
ders ansihet/denn nach solchem alten wahn / als
böse vnd vnleidliche ding/ da für sie stiehen solle/
vnd wenn es jr widderferet/erschrickt sie vnd wil
verzagen vnd verzweueln.

Aber da gegen sol ein Christ / als ein newer
mensch also geschickt sein/das er viel andere / ja
gar widdersinnische gedanken habe / vnd könne
(wie Saut Paulus zum Römern am funfften sa-
get) auch trotzen vnd frölich sein odder rhümen/
wenn es vbel zu gehet/ vnd sein hertz eitel solche
gedanken ergreiffe / das er einen grossen schatz
habe/wenn er arm ist / ein mechtiger Fürst vnd
herr sey / wenn er im kerker ligt / vnd trefflich
starck/ wenn er schwach vnd krank ist / inn eitel
ehren schwebet/wenn er geschendet vnd geschme-
cht wird/ Also auch/ das er erst ein new lebendig
mensch werde / wenn er izt sterben mus / Vnd
Summa/das er eitel newe hertz vnd mut gewin-
ne/vnd alle ding auff erden mit im new mache /
vnd also hie ein vorspiel ansah des zukünfftig-
gen wesens / da es alles am tage vnd für augen
so new werden wird / wie ers izt erschepfft vnd
erdencft

erdencft durch den glauben / nach feinem neuen
wesen.

Vnd solchs alles/nicht inn vns sondern inn
Christo/wie hie Sanct Paulus zeigt / Denn/ Er
hat es allein dazu bracht/ das ers bereit im offent
lichen vnd empfindlichen wesen alles new hat /
vnd hin fort (wie S. Paulus zum Rom. am sech
sten Cap. spricht) nicht mehr stirbet/vnd der tod
keine krafft noch macht an im hat / sondern alles
was er vermocht hat/ist im genomen / auch leib
lich/ das er in nicht mehr binden noch gefangen
nemen/noch mit hunger/durst vnd wunden/ pla
gen kan/Summa/Er hat alle seine gifft/ strick /
spies vnd schwert/vnd was er böses hat/ an Chri
sto verloren/ Inn dem selbigen Man / sollen wir
vns auch bereit an lassen düncken / das es alles
new worden sey/vnd vns gewehnen inn die starck
en gedanken des glaubens vnd das liebe bild des
gestorbenen vnd auferstandenen Christi/ stets inn
die augen fassen/vnd mit vns tragen/widder das
allte wesen/so vns noch ansichtet vnd vnter au
gen stößt/vnd vns schrecken wil mit jamer vnd
not/vnglück/armut/tod/vnd was es sein mag .

Sihe / darumb brauchet der Apostel eben
solcher wort/ Ir solt andere leute sein / weder die
andern so keine hoffnung haben / weil jr ja glau
bet/das Christus von todten auferstanden / vnd
der tod durch in vberwunden sey/ Als solt er sag
gen/Da durch seid jr gar viel ander leute worden
denn jr von Vater vnd Mutter vnd dem jüdischen
wesen

wesen komen seid/ Vnd weil ir getaufft seid inn
dem namen / als inn sein wesen vnd Reich / tod
vnd aufferstehung / so dencket / das ir euch anders
zieret mit allem wesen / gegen dem da für sich die
welt entsetzet / vnd ander augen / ohren / synne vnd
gedancken habt / denn vorhin / von Adam / da ir
euch fürchtet vnd betrübret / als die keine hoff-
nung hetten / Tzt aber nicht mehr also / sondern
eben das widderpiel gedacht vnd gesagt / gewis /
das weil er den tod überwunden hat / so wird er
vns auch aus dem tod reissen vnd mit sich führen /
Denn darumb ist er aufferstanden / das er vns
auch aus dem tode mit sich inns leben vnd ewige
herrligkeit setze .

haben doch also müssen thun / die lieben Allt-
veter / so das werck vnd bilde vns für gestellt /
das Christus vom tode aufferstanden ist / noch
nicht erlebt / sondern allein im glauben / vnd von
ferne / als durch eine blawe dunckel wolcken geset-
hen haben / da vns die klare helle Sonne inn die
augen schenket / Noch musten sie sich an den Chri-
stum hengen / der noch ferne war / vnd auch inn
die tröstlichen gedancken erschwingen / das sie
durch sein aufferstehung / auch erfür komen aus
dem tod / vnd mit im leben solten / Da her haben
sie solch tröstlich liedlin gesungen . *Preciosa in
conspectu Domini mors sanctorum eius / Wie
thewr vnd werd ist für Gott der tod seiner heili-
gen / Psalm im hundert vnd sechzehend . Item /
Psalm im zwey vnd siebenzigst / Ir blut ist thewr
geacht*

geacht für im/vnd im neunten Psalm / Er ged
denckt vnd fragt nach irem blut .

Also reden sie da her / die fromen hertzen /
Vnd aus solchen worten werden sie gar manche
starcke predigt gespunnen haben (ob sie wol kurz
gefasst / vnd nur als ein Thema odder beschluss
irer predigt geschrieben sind) Denn es gibt gar
mehtrigen reichen trost / da mit man ein hertz kan
auffrichten / weil sie so gewaltig da her schliessen /
Lieber / es düncket dich wol anders / vnd ist für dei
nen augen an zu sehen / das der Heiligen tod sey
ein lauter vntergang vnd verderben / Vnd schei
net / als sey ir nu gar vergessen vnd geschwiegen /
vnd haben keinen Gott der sich ir anneme / weil
sie ir bey irem leben nicht hat angenommen / vnd
so elendiglich da hin sterben lassen / als die zu ri
ssen / zu fressen / verbrand vnd zu puluert sind / Das
keine vernunfft kan anders sagen / denn es sey ein
jemmerlich / elend / schendlich ding / vmb iren tod /
Über für Gott (sagen die lieben Väter) solt irs ge
wislich da für halten / wenn ein Heiliger (das ist /
ein iglicher Christen) stirbt / das im geschehe ein
trefflich theur köstlich opffer / der lieblichst vnd
susst geruch von weihrauch / vnd der beste hö
chste Gottes dienst / so im widerfahren mag .

Denn er hellet auch nicht so viel von den leb
endigen heiligen / als von den todten / ja weil sie
leben / lesst er sie hin gehen / so schwach vnd elend /
vnd sich mit der sünde / welt / Teuffel vnd tod zu
marteren / als sehe ers nicht / vnd wolt in nicht hel
ffen . 26 .

ffen 2c. Aber flugs/wenn sie nur den leuten aus
den augen sind / vnd nu ein faul stinckend ass /
das niemand leiden kan/ odder zu puluert vnd zu
steubt/das niemand weis/wo sie blieben sind/vnd
gar abgescheiden vnd vergessen sind von aller
welt/als die nichts mehr zu hoffen haben/Da he
ben sie erst an für Gott köstlich ding zu werden /
vnd nicht allein eitel leben / sondern ein solcher
theurer schatz/den die Maestet selbs theur vnd
hoch achtet/vnd nichts weis köstlichers zu rümen/
Vnd je mehr sie vergessen sind für der welt / je
höher er sich irer annimpt vnd von in rhümet.

Des hastu ein schon exempel inn den ersten
zweyen brüdern/ Genesis am vierden Capitel/da
der schalck Cain seinen bruder heimlich ermors
det vnd verscharrt hatte/gieng hin vnd wisschet
das Maul/ meiner / es solts niemand wissen / vnd
nu wol verborgen bleiben / als Abel niemand het
te der sich seiner anneme 2c. Vnd da Gott nach
im fraget / Wo ist dein bruder Abel? macht er
sich so heilig vnd rein/ das er sich auch rhümet /
er were nicht schuldig für in zu sorgen/vnd sprach
ch/Was weis ich?wie kan ich meines bruders hä
ter sein? Aber da kam/ der da heisset / Querens
Sanguinem/ der das blut seiner heiligen foddert
vnd rechet / vnd sprach / Deines bruders blut
schreyet zu mir inn himel 2c. Wer heisst Gott izt
also reden/kan ers nicht vergessen/nu er tod vnd
da hin ist/mus noch von himel ruffen vnd vber
das blut schreyen/ als das in so viel zu schaffen
mache/

maße/das ers nicht leiden noch schweigen könn
ne/so ers doch wol hette vor hin können weren od
der des schonen/das Cain nu allein war vnd kei
nen bruder noch erben hatte/ sondern straffet in
so greulich/das er von den Eltern mus verstossen
vnd auch die erde vmb seinen willen mus verfluch
chet/werden / Das heisst sich ja redlich angenom
men des bluts/ das nu verfaulet war / Solchen
ernst vnd sorge erzeigte er nicht/da Abel noch leb
te/on das er im sein opffer gefallen lies/aber nu
er hin weg ist vnd vnter der erden ligt/da mus er
flugs leben vnd reden im himel / also das Gott
selbs für in prediget/ vnd so aus schreiet in alle
welt/das beide/er vnd sein Mörder mus ewig
lich zum exempel stehen in der Schrift / vnd
nimmer mehr aus gelescht werden .

Sihe / also haben die lieben Väter solch ex
empel angesehen / vnd ire sprüche da her genom
men/ das die todten heiligen / gewislich müssen
für Gott leben/vnd widder erfür komen viel herr
licher denn zuvor/ Denn also nimpt er sich keiner
lebendigen thier noch viehes an / vnd was keine
hoffnung hat / Auch nicht der Tyrannen vnd
Gottlosen/die da hin sterben ins teufls namen/
Sondern seiner armen heiligen / die so elendig
lich vnd schendlich vmbkomen / Vnd den selben
tod viel theurer achtet / denn ir ganzes leben /
Denn das selbe kan nicht on sünde sein / wie wol
es auch vnter der vergebung vnd vnter Christo ist
ist aber nichts gegen dem/ wenn ein mensch von
diesens

diesem leben scheidet / vnd der sunden vnd welle
abstirbet / Also das Gott alls denn / alle beide au
gen auffthuet / vnd müssen alle Engel da sein
vnd auff in warten / vnten / oben vnd rings vmb
in her / wo er anders gekleidet ist mit der Tauffe
Christi / vnd mit dem Glauben vnd Gottes wort /
das er müge gezelet werden vnter denen die da
heissen Gottes Heiligen.

Denn ir wisset ir / Gott lob / was da heissen
Gottes Heiligen / das die Schrift nicht meiner
die Heiligen droben im himel / wieder Papst heis
ligen machet / die man sol anrufen / ire tage fast
ten vnd feyren / vnd sie zu mittlern setzen / Auch
nicht die sich selbs geheiligt haben / wie die Car
theuser / Barfusser vnd ander Monche / odder
Waldbrüder / vnd solche Teuffel / die von inen
selbs wollen heilig werden durch ire werck / Son
dern die Gott geheiligt hat / on alle ire werck vnd
zu thun / da durch / das sie inn Christus namen ge
taufft sind / mit seinem blut besprenget vnd rein
gewasschen / vnd mit seinem lieben wort vnd gab
ben des Heiligen geists begabt vnd gezieret /
Welchs alles wir nicht erzeugt haben / noch erzeu
gen können / sondern aus lauter gnaden von im
empfangen müssen / Wer aber solchs nicht hat /
vnd andere heiligkeit süchet / der ist eitel stancck
vnd grewel für Gott / als der da leugert / das solch
bad des vnschuldigen Lemblins blut nicht heilig
vnd rein mache.

Welche nu solche getauffte Christen sind /
die sein

die sein wort lieb haben vnd fest dar an halten /
vnd inn dem selben sterben / Gott gebe/ sie wer-
den gehengt/geradbrecht/verbrand/ ersufft/od-
der an der pestilenz/ fiber 2c/ vmb kominen/ die
schleus nür inn Christus tod vnd aufferstehung /
vnd sprich flugs den text ober sie/ Der tod seiner
Heiligen/ist theur vnd werd für dem **HERREN** /
das ers helt für so ein trefflichen schönen schatz /
vnd köstlichste Kleinot auff erden/ Es wüрге dich
der Teuffel auff dem bette/odder der hengter am
galgen/so ist's boschlossen/das solcher tod ein heil-
liger tod ist/ vnd so theur für im geacht / das ers
richt wil vngerochen lassen/ sondern den Teuffel/
so dich ermord/ für gericht zihen vnd mit ewiger
pein quelen/der sünde den kopff abschlahen / vnd
den tod inn die helle begraben/ vnd alles rechen /
da durch sein Heilige hat müssen sterben. Vnd
weil er sich jr so hoch annimpt/so wil er sie gewis-
lich nicht so stecken/noch inn tod bleiben/lassen/inn
der erden verweset vnd verfaulet / sondern wid-
der erfür zihen/das jr tod nicht ein tod / sondern
gar ein new leben sein sol mit Christo inn ewiger
klarheit vnd herrligkeit/Wie wir tröstlich vnd vn-
geweiwelt hoffen/ vnser lieben Heubts halben /
ob wir in wol leiblich/vnd nach dem alten wesen
verloren haben/ Aber für Gott inn Christo vn-
uerloren vnd vnvergessen ist/der sich seiner ange-
nomen/vnd in ruge bracht/ das er für dem Teuf-
fel vnd allen feinden sicher ist/ vnd in am jüng-
sten tage mit allen Heiligen für vnsern vnd aller
welt augen mit sich furen wird. **E** **Si**

Sihe/das wil Sanct Paulus mit diesem text
da mit er seine Thessalontcher heisset sich vnter
einander trösten/ Vnd wir vns auch trösten sol
len/wie sie sich getröstet haben/vnd Gott da für
dancken / wo wir sehen / das er einen menschen
weg nimpt inn dem erkentnis seines worts/ Wie
wol es war ist/ das es nach dem eusserlichen men
schen nicht gar on jamern vnd trawren abgehet/
Denn wir haben die heiligkeit noch nicht gar/ on
allein im hertzen durch den glauben/aber greiffen
sie noch nicht nach dem eusserlichen wesen / Da
stecken wir noch im schlam vnd vnflut vnser al
ten Adams halben/ der sich noch unrein machet /
spuzet vnd rozet/dem müssen wir sein anlebens
vnflut/gebrehen vnd sünde lassen/bis er gar ver
scharrt werde/ so wird denn ein ende werden als
les jamers vnd leides/Aber nichts deste weniger/
sol bey solchem trawren für gehen der glaube /
das Christus gestorben vnd widder aufferstan
den ist/ymb seiner Christen willen/vnd jr tod ein
edler köstlicher schatz ist/ Das wir wol lernen vns
terscheiden vnter der welt vnd Gottes augen /
vnter der vernunfft (nach welcher der alte men
sche bleibt bis inn die gruben) vnd dem glauben
(da durch wir newe himelische menschen sind /
vnd gar ander hertz vnd gedancken kriegen/vom
tod vnd allem vnglück) Vnd bey leib nicht rich
ten/wie es für der welt augen scheineth / sondern
wie es für Gott stehet im newen wesen / das wir
nicht sehen/ sondern allein da von hören sagen /
jun dem

inn dem Wort/ Vnd solch exempel wol fassen /
so die Schrift zeiget / das er sich mit so grossen
ernst vnd vleis des todten Abels annimpt / als
vns geschrieben vnd für gestellet/ ein schönen spie
gel/ ja als eine Sonne/ allen die da sterben/ wie er
gestorben ist/ inn Gottes wort/ Das wie er in an
gesehen hat/ nach seinem tod / so werde er gewis
lich auch ansehen alle die inn seinem glauben le
ben vnd sterben .

Das ist nu der beschlus Sanct Pauli gewesen /
Habt ir gegleubt vnd gefasset/ das Christus ges
torben vnd auferstanden ist/ so hat es keinen
zweifel/ das er die so entschlaffen sind / auch mit
im widder erfür bringen wird/ wo sie inn im blies
ben sind/ vnd also inn im vnd durch in / ja auch
vmb seinen willen gestorben/ Denn wenn wir ges
taufft sind vnd an Christum glauben / so sterben
wir gewislich nicht vmb vnsern willen / sondern
vmb Christus willen/ wie er auch nicht vmb sein
selbs willen gestorben ist / Denn es gehöret im
kein tod / Das aber der Teuffel die Christen er
mordet / vnd durch allerley plage sie würet/ das
thuet er allein darumb/ das sie glauben vnd Chris
ten sind/ Denn er kan keinen auff erden leiden /
der an Christum gleubet / wie wol er den andern
auch ir lohn gibt / Aber diesen ist er sonderlich
feind/ vnd dencket sie zu wügen/ ihe ehe ihe besser
schleicht in tag vnd nacht nach/ vnd hat nicht ru
he / bis er sie mordet vnd weg reumet / Vnd
braucher da zu allerley plage / Krieg / Schwerd /
E ij feuer/

feuer/ wasser/ pestilenz/ frantzosen/ tropff/ rote
rhur 2c. welchs sind allzumal/ wie die Schrift sa-
get/ seine woffen/ pfeil/ harnisch vnd rustung / da-
mit er nichts mehr aus richtet / denn die Christen
zu tödten / Denn er ist des tods meister vnd vr-
sacher/ der den tod erstlich eingefüret hat/ spricht
die Epistel zum Ebreern/ vnd der oberst hender /
die fromen zu würgen / drum treibt er auch sein
handwerck redlich durch die ganze welt/ vnd tod-
tet vns doch alle/ wie er auch Christum getödet
hat/ das jm doch ein iglicher Christ einen Mar-
terer schuldig ist.

Aber Christus ist da gegen ein **h** **h** **h** vnd
Hertzog des lebens/ vber alle gewalt des Teuffels
Darumb wird er die seinen heraus bringen vnd
mit sich gen himel führen/ weil sie jm sind / le-
ben vnd sterben/ vnd ligen jm seinem schos vnd
armen/ nicht im grabe noch todtes gewalt/ on al-
lein nach dem alten wesen / Wie auch Christus
ob er wol im grab lag/ doch war er jm einem au-
genblick tod vnd lebendig/ vnd fur widder eraus /
wie ein blitz am himel / So wird er vns auch jm
einem nu eraus rücken / ehe wir vns umb sehen /
aus dem sarck/ puluer/ wasser / das wir da für aus-
gen/ ganz lauter vnd rein stehen / wie die helle
Sonne/ Das wil Sanct Paulus gewis geschlo-
ssen vnd geglaubt haben (obs wol der vernunft
ungleichlich vnd lecherlich ist) als eine gewisse fol-
ge/ des/ das Christus gestorben vnd auferstan-
den ist/ Zu feret er weiter/ vnd wils verkleren/ wie
solchs zugehen werde/ vnd spricht. **Denn**

Denn das sagen wir euch/als
ein wort des D E X X I / das wir
die wir leben vnd vberbleiben/ inn
der zukunfft des D E X X I / wer-
den denen nicht für komen die da
schlafen .

In diesen wor-
ten machet er eine
Vorrede/ iren glauben deste
mehr zu stercken / Denn er
hat sorge/ der liebe Apostel /
man möchte solche predigt zu gering ansehen /
vnd dem wort Gottes zuviel abziehen/so von solch
en herrlichen/vnbegreiflichen sachen redet / weil
ers nicht selbs von himel schallen leste / mit einer
herrlichen pracht / durch viel tausent Engel / da
wir müsten alle auff die Erte fallen / vnd mit zit-
tern annemen vnd glauben/ Sondern besilthers ei-
nem geringen armen menschen/ wie Sanct Paul
ein arme/ vnanseheliche person war / wie er selbs
zun Corinthern zeuget/das sie von im sagten/Er
predigte vnd schriebe da her/als were er ein Got/
vnd were doch so ein kleine geringe person / dür-
res vnd magers leibs/ Da her in die falschen Apo-
stel stolziglich verachteten vnd verkleinerten/ Das

C ij rumb

rumb spricht er / Ich weis wol / das ich so hoch
ding rede / das sich die welt vnd vernunfft dran
ergert / Darumb bitte vnd vermane ich / ir wolt
nicht vns ansehen / noch als vnser wort annemen
was wir euch sagen / sondern vnser person vergeß
ßen / vnd so zuhören / als der Göttlichen maiestet
wort von himel gesprochen / Denn das ist ein gro
ße hinderis am glauben / wenn man mit den au
gen den lauen vnd personen nach gaffet / wie
das fleisch vnd vernunfft thut / das man nicht das
wort kan ansehen / vnd so gros achten wie es zu
achten ist / Als auch geschicht mit der heiligen Tau
ffe / da man nichts sihet / denn des menschen fin
ger der da teuffet / vnd das wasser das er vber
das kind geufft / als eine creatur / vnd nichts höret /
denn die arme stim aus des Teuffers munde / das
es ja sich zugerung leß ansehen / für vns menschen
Darumb sehet eben zu (wil er sagen) das ir
euch nicht dar an keret / wie gering die person od
der creatur sey / sondern wisset / das das wort so ich
rede / Gottes wort ist / das er selbs redet / Ist es
aber Gottes wort / so wird es ja mechtiger sein /
denn himel vnd erde / vnd alle Engel vnd Teuffel
da zu / Denn was ist alle krafft im himel vnd er
den / gegen dem das Gott redet ? Gleubet ir nu
das Gottes wort ist / das wir euch predigen / so
werdet ir auch leichtlich gleuben / was es saget /
Das ist nur die mühe / das irs gewislich für Got
tes wort haltet / darnach hat es nicht mangel /
Denn er hat ja mit einem wort himel vnd erden /
vnd

vnd alles was drinnen ist / geschaffen / da noch
nichts vberal stund / vnd schaffet noch jarlich
neue fruchte / vnd was der liebe Somer bringet /
Also auch hie / ob jr wol sehet / das alles da hin stir-
bet / vnd weniger vom menschen bleibt / denn des
Somers im kelttesten winter / da gar kein laub
noch gras / kein blatlin / kein fruchtlin an einem
baum zu finden ist / vom Somer / Noch ist hie viel
weniger vom leben / da es doch gar zu puluer vnd
staub wird / was der mensch gewesen ist / entweder
zu puluer durch feuer verbrand / odder im wasser
verzeret / odder von vogeln vnd thieren / vnd inn
der erden von wurmern gefressen zc / Dennoch
solt jr festiglich glauben (so gewis als Gottes
wort war ist) das er vns widder er für bringen
wird mit ganzem verkereren leibe / wie er ist jar-
lich / zum farbilde / aus dem todten Winter einen
schönen grünen Somer widder bringet / vnd aus
nichts alles gemacht hat / Darumb dencket nur /
das jr es so annemet / nicht als menschen / sondern
als Gottes wort .

Also sol es nu zugehen (spricht er) das wir
die da leben vnd vberbleiben / bis das Christus ko-
men wird / werden denen nicht für komen / die da
schlafen zc . Das ist eine Periphrasis / mit einem
vmbschweifff gered / aber kurz so viel gesagt / Wir
werden alle zu gleich mit einander da her far-
ren / beide die zuuor gestorben / vnd bis zu Chris-
tus zukunfft gelebt haben / vnd also inn einem an-
gen blick alle semplich da her schweben / vnd

E n g vns

vns zu gleich widder sehen / Also das wir die da
noch leben werden/nicht ehe den **HERRN** Chri-
stum sehen werden/denn die verstorbenen/ob wol
wir mit offenen augen da hin gesücht / vnd noch
bey lebendigem leibe sein werden/ jene aber lang
verweset/vnd vnserm däncken nach/ nichts mehr
sein werden/Das es scheint/das wir die noch bey
leben sind/ solten die ersten sein/vnd viel ehe den
HERRN sehen/denn die todten / Aber er
wils so machen/das die todten alle inn dem au-
gen blick mit vns ersür komen / vnd so rein vnd
schön augen haben vnd sehen sollen/als wir .

Denn er wird mit den Christen eben also
vmbgehen/wie er mit Christo gethan hat/welch-
en er inn einem nu aus dem verschlossen vnd ver-
sigelten grab eraus rücket/ das er zu gleich inn ei-
nem augenblick drinnen vnd haussen war / Also
wird er im letzten augen blick / beide vns die wir
noch leben/inn den funff synnen/ vnd alle die ver-
weset/zupulvert / vnd zustrawet sind / so weit die
weltt ist /zusamen bringen / das wir vnd sie zu
gleich mit vns/alle semplich gen himel gesücht /
vnd inn den wolcken schweben (wie folget) viel
leichter denn die vogel/ vnd viel schöner denn die
sonne / vnd der himel so vol licht vnd Klarheit
werden/das alles licht vnd Klarheit der Sonnen
vnd aller sternenn nichts da gegen sein/ vnd keine
sonnen noch sternenn sehen werden / für dem
licht vnd Klarheit Christi vnd seiner Engel vnd
heiligen . Das lauter nu wol längerlich / als ein
süßer

füsser gedanken vnd menschlicher trawm / Aber
ich habe gesagt / das es Gottes wort ist / Wer das
nicht wil glauben / der darff auch vns nicht glau-
ben. Das ist eines / Nu saget er weiter / wie der
HERR Christus komen wird / wo durch er solchs
ausrichten / vnd was er für krafft da zu brauchen
werde.

Denn er selbs der HERR /
wird mit einem feld geschrey vnd
stimme des Ertzengels / vnd mit der
Posaunen Gottes ernider komen
vom himel / Vnd die todten inn
Christo werden aufferstehen zu erst
dar nach wir / die wir leben vnd
vberbleiben / werden zu gleich mit
den selben hin gezücht werden / inn
den wolcken / dem HERRN ent-
gegen / inn der lufft / Vnd werden
also bey dem HERRN sein als
le zeit / So tröstet euch nu mit dies-
sen Worten vnter einander .

C

Das ist



As ist eben die itze
gesagte meinung / das es
alles sol zugleich geschehen/das man
nicht dencke/das wir lebendigen wer
den ehe komen vnd Christum sehen / Sondern
mit im zu gleich sollen hin gesucht werden/alles
inn einem augen blick / das wir verwandelt / vnd
sie desselbigen augenblicks / aus dem grabe vnd
staub/widder lebendig/vnd also gleich/wo wir ge
funden werden/ flugs drobon inn lufften faren /
auffs schönste gekleidet / Vnd das wird er / der
JESU selbs thun / nicht mehr einen Apostel od
der prediger/odder Johannem den Teuffer sen
den/sondern inn eigener person herab komen/als
ein Herr inn seiner maiestet vnd da her faren
mit einem grossen feldgeschrey / vnd stimme vnd
Posaunen des Erzengels zc.

Das sind eitel verba Allegorica / Er wolts
gerne fürbilden/wie mans den kindern vnd ein
feltigen fürbilden mus vnd brauchet solcher wort
die man pflegt zubrauchen / von einem herrlichen
prechtigen herr zug/wenn ein herr an her zu feld
zeucht/inn grossen triumph / mit seinen draban
ten/panier/drometen vnd büchsen/das jederman
höre/das er kömet/So wird Christus auch da her
ziehen / mit einem feldgeschrey / vnd lassen auff
blasen mit einer Posaune/die da wird heissen Got
tes posaune/das wird thun der Erzengel mit ei
nem vnzelichen hauffen Engel/die seine vordra
ber od

her odder fürgenger sein werden / vnd solch ges
schrey anfahen/da von himel vnd erde auff einen
augenblick verbrand/ auff einem hauffen ligen /
vnd verendert/vnd die todten aus allen orten sol
len zusammen bracht werden. Das wird eine ander
Posaune sein/vnd viel anders schallen/ denn vn
ser drometen vnd büchssen auff erden / Es wird
aber sein eine stimme odder sprache/villeicht auff
Hebreisch/ Oder ob es nicht ein sonderliche sprach
were/so sol es doch eine solche stimme sein/da von
alle todten erwachen müssen .

Vnd ich lasse mirs gefallen/das es ein solche
stimme sein werde/ Stehet auff jr todten / Wie
Christus den verstorben lazarus aus dem grabe
ruffet/ Johan. xi. Lazare Kom erfür/vnd zu dem
Meidlin vnd Jüngling/ Math. ix. vnd Luc. vii.
sprach/ Ich sage dir/stehe auff/ Vnd alles mit ei
nem wort gethan hat/ als / da er zu dem blinden
vnd aufferzigen sprach / Sey sehend/sey gereini
get zc. Das heisset er hie ein feld geschrey odder
stimme des Erzengels/das ist/ die der Erzengel
wird schreyen/ das mans mit ohren hören wird .
Vnd sol doch heissen eine Posaune Gottes / das
ist/da durch Gott durch seine Göttliche krafft die
todten wird aufferwecken/ Gleich wie er Johan.
am. v. sagt/Es kömpt die stunde/inn welcher al
le die inn den grebern sind/werden die stimme des
Sons Gottes hören/vnd werden erfür gehen die
da guts gethan haben/ zur aufferstehung des le
bens zc. Da meinet er nicht die stimme/die Chri
stus

stus selbs reden werde / sondern eben die stimme
des Erzengels / vnd Posaune / welche heisst Gots
tes stimme odder Posaune / Gleich wie igt auff er
den des predigers stimme / der Gottes wort pres
digt / heisst nicht des menschen / sondern Gottes
wort / So ist auch die stim des Erzengels / vnd
doch des I E X X n Christi stim / als aus seinem
befelh vnd krafft.

Sibe / so herrlich hat ers gemaler / wie es sol
le zugehen / das wir getrost vnd feck sein sollen /
vnd nicht zu seer erschrecken / ober die so vns ab
sterben / sonderlich die / so da sterben im glauben
jnn vnd durch Christum / Vnd des hoffen / das
Christus selbs komen vnd sie holen wird / vnd
vns mit inen / Also das der Erzengel mit seiner
Posaunen wird vorher zihen / mit viel tausent En
geln (wie der Engel Luce im andern Capit . der
den Hirten erschein / bey Christus geburt / mit der
menge des himelischen heers) die das feld ge
schrey werden anfahen / vnd Christus flugs mit
da her faren / Vnd dar nach / wenn wir erweckt
vnd gen himel geruckt sind / ewig singen / Gloria
in excelsis Deo / Ehre sey Gott jnn der hohe .

Des sollen wir vns gewislich versehen / (bey
schleusst Sanct Paulus) vnd mit solchen worten
vnter einander trosten / Vnd beschreibts so ges
wis / als were es bereit geschehen / vnd weissaget
von zukunfftigen vnerfarnen sachen / als were es
ein histori vnd geschicht / Auff das er vns so ge
wis mache / wie er ist / das wir nicht für dem tod ers
schrecken

schrecken/vnd alle plage/pestilenz/ Franckheit/ga-
ring ansehen/vnd das schöne bilde inn die augen
fassen/des das hernach folgen sol/ da er aus dem
itzigen winter / darinn alles erstorben vnd ver-
scharret ist/ einen schönen ewigen Somer mach-
en wird/vnd das fleisch / das da ligt verscharret
vnd verweset / viel schöner vnd herrlicher erfür
bringen/denn es the gewesen ist/ Wie Sanct Paul
inn der Ersten zum Corinthern am funffzehenden
Capitel da von redet / Es wird geseet inn vneh-
re/vnd wird auferstehen inn herrlichkeit/Es wird
geseet inn schwachheit / vnd wird auferstehen inn
Krafft. Denn vnehre vnd schwachheit/ heisst die jes-
merliche/schendliche/gestalt/ das kein schendlich-
er vnleidlicher als also auff erden ist / denn des
menschen/welchs eine grosse vnehre vnd schande
ist der edlen creatur/ Aber das sol nicht schaden/
denn es sol wider auff stehen inn ehren vnd herr-
licher gestalt / Gleich wie das kornlin inn die er-
den geworffen / mus gar verfaulen vnd zu nicht
werden/aber wenn der Somer kömpt/ so gehets
wider erfür mit einem schönen halm vnd ehren.

Also sollen vnd wollen wir hoffen / das der
barmherzige Gott vnsern lieben Kurfürsten (sa-
ligen) auch so weggenommen/vnd mit Christo wid-
der erfür bringen wird/weil wir ja wissen/ das er
auff den Christum getaufft/vnd das Euangelion
so bekand/ vnd inn dem Christlichen bekennnis
beharet vnd da von gefaren ist / Das mir nicht
zweiwelt/er werde/wenn die Posaune des Erzeng-
gels ge-

gels gehen wird / gar frölich inn einem augen-
blick aus diesem loch faren / Christo entgegen /
vnd heller / denn die Sonn vnd alle sterne /
leuchten / mit vns vnd allen Christen .

Da zu helff vns Gott der Vater /
vnd Son / vnd Heiliger
geist / A M E N .

Bedruckt zu Witten-
berg / durch Nickel
Schirlentz /
im jar
MDXXXIII.



Tb 4064

ULB Halle 3
004 452 860



f
b.


Nur ...

f

bis 15. Mai
Halle U.

bit







B.I.G.

Farbkarte #13



Zwo Predigt
vber der Leiche des
Kurfürsten Wertzog
JORDANS zu
Sachssen.
D. Mart. Luth
Wittemberg.
MDXXXIII.

